

[Home](#) / [2026](#) / [March](#) / LITRA IKS : UiTM Pulau Pinang Perkasa Literasi Kewangan Usahawan Tempatan

## SINERGI

06/03/2026 / AZLI UMAR





**Permatang Pauh, 27 Februari 2026** – Jabatan Pengurusan dan Perniagaan, Universiti Teknologi MARA (UiTM) Cawangan Pulau Pinang, telah berjaya melaksanakan program **Literasi & Transformasi Kewangan IKS (LITRA IKS)**. Inisiatif ini bertujuan memperkasakan usahawan Industri Kecil dan Sederhana (IKS) di sekitar Pulau Pinang dengan kemahiran pengurusan kewangan yang lebih sistematik dan mampan.

Program yang berlangsung pada 5 Februari 2026 itu melibatkan penyertaan 14 usahawan IKS tempatan. Fokus utama penganjuran adalah untuk memberikan pendedahan praktikal mengenai kepentingan aliran tunai, rekod perniagaan yang tepat, serta perancangan bajet yang strategik demi memastikan kelangsungan perniagaan dalam mendepani landskap ekonomi mencabar.

LITRA IKS menampilkan dua modul utama yang dikendalikan oleh pakar akademik UiTM, dimulakan dengan slot Asas Literasi Kewangan Usahawan oleh Encik Azli Umar yang menyentuh kemahiran praktikal dalam pengurusan aliran tunai dan teknik kawalan perbelanjaan. Sesi kemudiannya diteruskan dengan slot Rekod Kewangan & Perancangan Mampan di bawah bimbingan Puan Aniza @ Marzita Ishak, yang mengupas teknik pengiraan untung rugi serta strategi penyimpanan rekod yang efisien bagi kegunaan harian perniagaan.

Inisiatif ini digerakkan berlandaskan tiga matlamat utama iaitu meningkatkan tahap literasi kewangan melalui pendedahan asas pengurusan perniagaan, membantu usahawan beralih kepada sistem pengurusan yang lebih tersusun, serta memperkasakan daya saing IKS agar kekal stabil selaras dengan aspirasi pembangunan ekonomi komuniti setempat. Penganjuran LITRA IKS ini mencerminkan

komitmen berterusan UiTM Cawangan Pulau Pinang dalam menterjemahkan kepakaran akademik kepada impak sosial yang nyata.

Dengan penguasaan ilmu kewangan yang betul, para usahawan diharapkan dapat membina empayar perniagaan yang lebih kompetitif dan berdaya tahan. Program ini dijangka akan diteruskan pada masa hadapan sebagai sebahagian daripada agenda pembangunan usahawan komuniti universiti bagi melahirkan komuniti peniaga yang celik kewangan dan berintegriti.

Penulis: Azli Bin Umar, Penyunting: Aniza @ Marzita Binti Ishak



Tags: [Fakulti Pengurusan dan Perniagaan \(FPP\)](#), [Industri Kecil & Sederhana \(IKS\)](#), [UiTM Cawangan Pulau Pinang](#), [Universiti Teknologi MARA \(UiTM\)](#)

UiTM Perak Pupuk Minat STEM  
Murid Sekolah Rendah Menerusi  
Little Scientist Camp 2026

UiTM Pahang Perkasa Pendidikan  
Inklusif Menerusi Transformasi Sukan  
Adaptif di Jengka

## QUICK LINKS

[Ministry of Higher Education](#)  
[Academic Calendar](#)  
[Intake Calendar](#)  
[Graduate Quick Search](#)  
[Library](#)  
[UiTM Holdings](#)  
[WiFi UiTM](#)  
[E-Complaint](#)

## HUBUNGI KAMI

Universiti Teknologi MARA  
(UiTM)  
40450 Shah Alam, Selangor  
Darul Ehsan  
Malaysia  
Tel: +603-5544 2051 / 2000



